

3. Oasôg ntlitanen tjiptog ignemoieg ola nemoleg oletesuen.

Gil Notjinen Gtjisagmaoin, apigsigtemo eoletjoltitjig mtjitjagamitjig tan nagatjitetemitis gtlegeoagim ogtinineoag gisna nusta clô-tigtog, tanig gisi tli olatagatisôg ag eolitetagatisôg oigoag ag ometgioag siaoi agnimolisôg.

Na aptj getoi ilatoeg eomegel gois Sesos tellôgoes siaoio gtapatjatinin elocoinog ag elp tan teli gsalatji patgoi alamesigaganigtog.

Tôgo gil Nisgam Sesos.

4. Natel oasôg eigig teli sgatasgig elp ninen teli sgatoleg magamiigeg eimeg.

Ipattamoleg, Nisgam, gtapigsigtemoan eoletjoltitjig mtjitjagamitjig, gionagatj elgimsoltipenig gtiningel, tan tellistasgesenig, me gesatemetitis oigoatjetjigel ogsitgamogeol tjel mo ngotei tan gil telgimsepenig gisna oetmitetemasepenig.

Lôg, Nisgam, getoi apatjatoeg tan oelmetôg Sesos teli gseoli sgatasgep nagji ganlamonigtog misôgo glotjioeieî npoaganigtog ag teli minoi getlamsetoatjtel patliasel patgoi alamesigaganigtog. Tôgo gil Nisgam Sesos.

5. Telamogopenigel esemiegel aptj nigetj gisgog telamogtetj penegonemoin nilonen.

Notjinen, etamoleg gtapigsigtemoan eoletjoltitjig mtjitjogamitjig tan teli peli msenemitis gois ogtinin genuieotigtog gisna ôpli msenemitis.

Gtjilatonen na elocoti gesmenemoleg negem tan teli gsaloes gisitôgeg na gtjipagalaioti. Tôgo gil Nisgam Sesos.

6. Teli apigsigtatjig oegaioinametepenig elp gil Nisgam, tli apigsigtoin eloeoltieg.

Notjinem, etamoleg gtapigsigtemoan eoletjoltitjig mtjitjagamitjig tan tjiptog getantoltitis, peli apigsigtacoltitis, tjel etog teli gemnieoltitis.

Getoi ilatoegel teli mtoegel gesmenemoleg ala geseoli alasotmagan tan gois gesi gsaloet eoitegsep glotjioeieigtog: "Notj, apigsigto nagela, mo ôgotj getjitotiog tan telatagatitij. Tôgo gil Nisgam Sesos.

7. Melgenin metj oinsotil mo gtigalinen.

Etamoleg, Nisgam, ggasoigemoan eoletjoltitjig mtjitjagamitjig tan teli peli mitatotemitis nsanôgsotil, môgoe goilotemolog gtapôgônemagoneo, gisna paseg ogtonoag telialasotematis, mespi ali goilemititeg oinsotil.

Na oetji pgitnemoieg tan Sesos teli amasgoipelnos ag tan teli eligalsis osgitjipenegoigtog. Tôgo gil Nisgam.

8. Gesinogoamgel ointjigel gôgoel tjigelatoin.

Eolitelem, Nsagmamminen, eoletjoltitjig mtjitjagamitjig tanig ogsitagamog gigatjitapenig gesinogotiteg tjel etog almimsgesenig. Na oetji mesitetemeg tan teli gsog nigetjioei oonmatjôgônemoo.

Sgato gil, Sesos, neiato tan teli gsi eolitetegen, gemaltem tan minoi gotatasig nganipsemonigtog elgitemo gtjiansaleoit ogpitenigtog ag nagasoato sisoei. Nisgam Sesos eolitelem gsispasoegatig epoltitjig. Tliatj.

—o—

SESOS OGOAMLAMON

Ola tepgenoset tan telpitôgsit meseltemot — ola ptjilio nipga tan nenoitetemeg neogtissageoei tjel asogôm gasgemtelnaganipongeg oetjategemg mesoi alasotmangeg papeoagig, tjel apigsigtoagan tetli igatôg gotjino papeoit opogtjig agnotten (The great Mission of the Month of the S. H.).

—:o:—

REMERCIEMENTS

D.N.C. Bonaventure, 1 abonnement.

R.P.P. Ottawa, 2 abonnements.

L.P.C. Sandy Bay, 2 abonnements.

—:o:—

Mimatjoino tan mo oeli tôgôpogootasigo tjiptog naglatjel oigmatjel tôgo gtegel oesoalatjel malieoititjel gespogoalatjel patliasel, nesisgel mesgigel eloeotil pegoatasitel, ôplalatel oigmatel tan eloitemasis ooli tgônasineo misôgo npoaganigtog, gespogoalatel Oestaolgoi onagapemel mesgig gôgoeigtog, ag oinetjigel negao telasitel, meta môgoe malieoitigo oagela, telegig istege oinsitjig maltjeoetjig oini tôgômatjig, ag mitjoatjijig segeog.